

Okwukwo izi Judu gbarụ

Nhne gbasiri okwukwo izi ka

Judu gbarụ *Okwukwo izi Judu*, nọodo ele badụ aka nụ nsị gbasiri ele neezni nhne aghalaghala, ele karụ nụ be bụ ele kweru ekwe. Lele 2 *Pita*, Judu, n'okwukwo matị ka, naakwnagidne nye nọogwnu a, ọ naakaa be gba ọtna kwnornu okwnata mkpoma ke Chiokike nyernu ele ke a otu mgba be bita.

Nhne zị n'okwukwo izi ka

Ọpanizo (1-2)

Ele neezni nhne aghalaghala (3-16)

Ezni ọ bita okwnata mkpoma (17-23)

Ọjija zinu Chiokike (24-25)

¹ Mawa, Judu, nye izi ke Jizọsi Karaịsi, nye bụ kwno nwene rukna Jemisi, naagbaznenu kpakara ele Chiokike sukwuru okwukwo, ele wu nụ rime ọwhnun'anya Chiokike Nda, ele Jizọsi bitaru.

² Obirizi nụ udno nụ ọwhnun'anya banụ anụ ọba.

Ele neezni nhne aghalaghala

³ Ele me whnurnu n'anya, m neeyisi rikne naagbanụ anụ okwukwo gbasiri ọznohia ke a nwernu igwe nụ rime a, ọ zị mkpa me gbanụ anụ ma anụ yisi ẹhni naagba ọtna kwnornu nụ okwnata ovu ke Chiokike nyernu ele ke a otu mgba be bita.

⁴ Kwnornu nụ agwna ele zá nọtụ ogwnu Chiokike ribnanyarnu hne a máa n'esilawuru aị, ele

naagbanwo izi oma ke oru Chiokike, ma be nwe oghere rnu ɛrnu ojo be, be gonahoru Jizosi Karaisi Nyenwe ai nu eze ai. Okwukwo nsɔ kwuru nhne gbasiri be agida ige wheru ewhe nu be jaanahia omuma ikpe.

⁵ M neechenwanyanu anu nhne ka, o bu n'ezi nu anu magwu kpakara nhne ka, nu Nyenwe ai dɔhiaru ele Izireli n'eli Ijipiti, kovu omekwo, gbu kpakara ele kwé ekwe.

⁶ Anu chenwanya ele enine izi ele bitala onodi be nu mbom, kovu gharu onodi be, Chiokike turu be ijigba tim tom nu ochichiri, bita be du n'okne obochi ikpe wam o jaama be ikpe.

⁷ Lele kpa Sodom nu Gomora nu kpakara eli gbaru be gburugburu, ele wu nu rime be ruru aruru-eli ke ome oyi nu nhne zila richna, be taru be awnnywhnu bekwu noonwu tim tom, ma be buru nhne odo aka nu nsni nyee kpakara ele badnu.

⁸ Kpam masi, ele noro mboro ojo ka mehieru megidne ano-ehni be, be ledna ochi risi Chiokike anya, ele kjaru ele wu n'oligwe.

⁹ O bubedi nye risi ele enine izi Maikeli, nga ya nu Ekwensu nodogbuta iznu Mozizi, nwe rikne kwu oka ojo megidne Ekwensu, kovu o karu, "Nyenwe ai bigbo i."

¹⁰ Kovu ele ka naakaja nhne be ma, be nu lele rumu anohia ojo, neeme nhne nogwu be, kpakara nhne ka jodoka be.

¹¹ Awnnywhnu jaazinu be. Be snornu apna Keni. Be kwnornu iwai dnabna nu mmehie Balam, be bu ele risi rikne lele Kora, be joowhu etekne lele kpa Kora whuru.

12 Ele ka nụ lele rune nụ iriri omekorita anụ, iwhnerne zá nọtụ be o mee nhne ojo. Be nọoznu ẹhni be kpọi. Be nụ lele erumeru oligwe ruwhere neewhesa, be nwée rikne gweya mini ozuzo. Be nụ lele isisi mịla mkpuru, ọ bụbedi n'okochi, isisi be vnurru hite nụ ẹgwngwnu a, ke nwurru onwu n'ezi.

13 Be nụ lele okne abaka-mini ke osimini, be nụ ẹrnu iwhnerne be nọogbo okoto. Be nụ lele mbọ ghieru apna, ele Chiokike bitannu oghere n'okne ọchichiri ọkwnukokwnu.

14 Ọ bụ Inoku, nye ẹsau hite n'Adam, nye kwuru n'agida ige wheru ewhe, “Le, Nyenwe aị jaava, ya nụ agida ele nsọ a be jọogwnuli ọnu,

15 o jeekpe kpakara ele badnụ ikpe, ọ jaama kpakara ele máa Chiokike ikpe, kwnornu kpakara aruru-ẹli be ruru, nụ kpakara ọka ele mmehie ka máa Chiokike kwuru kwugidne a.”

16 Ka bụ ele zị naatakpo ntakpo, noobno ele berere nhne, be noosno nhne ojo ke nọogwnu mkpoma be, be noovugnadna ẹhni be, naaznarni ele badnụ ma be nwehia nhne be pioru.

Ọdo aka nụ nsni nụ ezni

17 Ele me whnurru n'anya, anụ chenwanya nhne ele izi Nyenwe aị Jizọsi Karaịsi kwuru.

18 Be kannụ anụ, “N'ige ipne-aznụ, ele joomu anụ rumu jaava, ele noosno nhne ojo ke nọogwnu mkpoma máa Chiokike be.”

19 Ka bụ ele neegweya okewa, ele anọ-ẹhni neechi, ele nwée Enine Chiokike.

20 Kọvu anụ, ele me whnurru n'anya, anụ wulizọ ẹhni anụ lele ọro hite nụ ntụ-ẹli ọkwnata ovu anụ ke zị nsọ. Anụ kpe okpukpe nụ rikne Enine Nsọ.

²¹ Anụ b́ita ẹhni anụ n'ọwhnun'anya ke Chiokike, kpa anụ noosno, neele anya obirizi ke Nyenwe aị Jizọsi Karaịsi jeenye anụ nụ b́udnu kwó okwo.

²² Anụ dọnu ele nwernu mkpọma lawuru obirizi.

²³ Anụ znọhia ele berere, dọhia be lele ele hi nụ rime b́ekwnu. Anụ gweru ogwnu dọnu ele berere obirizi. Kọvu anụ sno ọ b́ubedi iwo ke mmehie be gburu hite n'ẹrnu anọ-ẹhni irno.

Ọjija źinu Chiokike

²⁴ Chiokike b́u nye ke nwernu rikne ọ b́ita anụ ma anụ gharu ọ dna, mee ma anụ gwuzoru nwée ọru, nụ mkpọma ọso n'ọnu nụ ruwhnu a źi igwugwu.

²⁵ Ya b́u Chiokike kpọi, Nye Ọznohia aị, hite nụ Jizọsi Karaịsi Nyenwe aị, kpakara igwugwu, nụ dudugna, nụ rikne nụ ọchi risi źinu a, hite nụ mbọm d́u ḱitna, ọkwnukokwnu. Amịm.

Tesitamenti Ikne n'O_{nu} Ikwere **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwerre - (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

Copyright Information

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

The New Testament

in Ikwere

© 2010, The Nigeria Bible Translation Trust.
All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files dated 29 Jan 2022

c17ee3a1-1c7a-5c05-8e0f-5043e8228d89